

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 10. De Capitulo.

[urn:nbn:de:hbz:466:1-61816](#)

§. IX. DE PRIORIBVS

zum Commendarum sunt verè Ordinarii secundùm Bullam Pii IV. & exempti à iurisdictione quoru[m]que Ordinariorum, habentque collationem liberam suorum Prioratum, Balivarum, & Commendarum extra Conventum etiam per resignationem vacantium. c. Nullam 18. q. 2. ubi Nam à n. 4. c. nisi essent de probend. Rebuff. in Praxitir. Regularia beneficia. nū. 4. Tholos l. 18. c. 18. Gonzal. ad Reg 8 Cancel. gloss. 8. Barb. in c. Etsi principalis de rescr. Roderic. QQ. Regular. Tomo I. Q. 34. artic. 2.

IV. Ex dictis sequitur, Priorum Conventualium licet obedientiarius sit, & multò magis Ordinis S. Ioannis Ierosol. delegati posse à Papa, quia dignitate p[re]fert. o. Statutum de rescr. in 6. claustrales vero non posse ex contraria ratione, ut nec Vicarii forenses. AZOR. 11. l. 3. e. 20. Sanch. in decal. 10. 2. t. 6. c. 13. Barbosa in c. Etsi principalis de rescr. n. 3. & seq V. qui dixit. praeceps 5 nū. 2. Cardin. Tuschum lit. P. conclus. 707. & 708. ubi Conventuales Priores ne quidem ad Capitulum generale admitti scribit.

V. Prior Conventualis vel eligitur à Conventu, aut Collegio cui p[re]fert, & confirmatur à Superiore: vel creatur per collationem à Superiore. Hinc sit, ut ab officio rem overi nequeat, nisi ex manifesti & gravi causa, ut si dilapidaret botia, vel incontinenter viveret: vel maior necessitas alterius officii ex consilio fratrum id requireret o. Monachi de statu Monachor. At claustral[is] Prior ad nutum Abatis mutatur. Innoc. in c. cir. Monachi. Abt. in c. Nisi essent. Baldus in Margarita Zabur in Clem. dudum S. Statutum us de se puli n. 5. Mend. Reg. 3. qu. 8 nū. 4. Mosconius de maiest[er] eccl[esi]e. l. 1. P. 1. & 14. Tusch. concl.

709. Roderic. QQ. Regular. lo. cit. Antoni Cucchus l. 1. Instit. 15. 3.

VI. Prior[es] Conventuales auctoritate concessa per Clementum IV. in fato conscientiae absoluere possunt Monachos ab omni excommunicatione etiam summo Pontifici reservata, & cum eis dispensare super omni irregularitate, etiam in illis casibus, quos Pontifices sibi reservant, immorte videlicet, membrorum truncatio[n]e, & enormi languidis effusione, dummod[um] aliquod horum trium non sit notorium. Hanc concessionem magnant vocat Roderic. To. 1. Q. 20. ar. 2. e[st] quod tria ista excipi soleant in facultatibus absoluendi. Addit in absolutione ab excommunicationib. reservatis, quorundam iudicio contineri & illas, quas sunt Causae Domini, quod hoc tempore nequaquam dicendum est.

§. X.

De Capitulo.

I. Capituli nomen loco primū, deinde Canonorum Senarii continebitur. Cur autem soli illi, causam frustra inquiris. Dici Capitulum quasi paruum caput respectu episcopi, qui sit magnum, aliqui ex Panormitanis allegant, qui numerare arenam mihi videntur. Multa siquidem denominaciones vel fortuitam causam, vel pro causa arbitrium habent. Ifid[em]. l. 1. Origin. c. 28. Ioann Andr. in c. Capitulum de rescriptis Eberhardus in Lo. ab erynol. Praelatus in Lex. Oldend eod.

II. Quis personarum numerus ad Capitulum sufficiat, utilior quæstio est? In uno Canonicō conservari posse, colligitur

ex

¶ 1. si quis municipium, & l. sicut §. ult. ff.
Quod cuiusque Universitatis nomine. Glo. in c.
1. de elect. & c. Gratum de postul. Pral. Vnde
sicut grege legato, si unum solum animal
remanerit, peti potest l. si grege ff de legat.
l. 1. Inst. de legatis §. si grege legatus: sic si u-
nus solus Canonicus remaneat, potest à
superiore petere, ut Ecclesiæ providea-
tur. Bald. in l. ult. de neg. gestu unius Consul.
alius defunctis ius habet temp. gubernandi. Ita
Azor. II. l. 3. c. 37. Cujus opinio ne fallat,
intelligenda est secundum Juris perito-
rum doctrinam, qui dicunt, quando U-
niversitas, vel Collegium semel consti-
tutum est, si ad unum deveniat, retinere
nomen, & jus Collegii, non verò ex ho-
mine verò, & solo unquam constitui.
Neque id in grege contingit. Nam se-
cundum Gloss. decem oves faciunt gre-
gem, quatuor vel quinque porci simili-
ter: tres verò homines Collegium, idque
Ecclesiasticum, si major pars inæqualis
sit Clericorum. Tholos. l. 15. c. 32. Schneiderv.
l. 2. Inst. tt. de legatis. Bern. de elect. c. 1. Glo. in
§. 1. 10 q. 1 Silvestr. V. Collegium. Emman. Sa-
ecod. Romanus Consil. 436. Card. Tuschus
Concl. 452.

III. Capitulum vel consideratur sepa-
ratim ab Episcopo, vel conjunctim qua-
renus una cum illo quasi corpus quad-
dam constituit. Hoc posteriore modo
eensentur principales consiliarii, & su-
premus Ecclesiæ seu Episcopi Senatus.
Alicubi corregnantes vocantur & man-
datis publicis simul cum Episcopo sub-
scribunt. Prior modo efficiunt Comitum
singularem seu communitatem & ab E-
piscopo divisi sunt, quoad leges, jura &
privilegia. Mosconius l. 1. c. 15. Vallensis l. 3.
n. 9. Cuculus l. 1. tt. 3.

IV. Episcopus in administratione sua
à Capitulo dependet, ejusque consen-
sum requirere debet 1. in administra-
tione reddituum & bonorum Ecclesiæ,
cum communia sint Ecclesiæ. 2. in alic-
iatione rerum Ecclesiasticarum facien-
da. 3. si una Ecclesia alteri unienda sit. 4.
in suppressione Canoniciatum & bene-
ficiorum 5. in omni negotio, quod con-
cernit præjudicium Ecclesiæ. 6. in iis que
concernunt præjudicium Capituli 7. in
iis quæ spectant ad Episcopum & Capi-
tulum simul, aut quia promiscue sunt
jurisdictionis aut quia specialis aliqua
conventio est. 8. in casu quo minueretur
Ecclesia auctoritas. 9. Quando consue-
tudo est non agendi sine Capituli voto
& consensu. Denique si Episcopus inno-
varare leges aut statuta velit, quæ nimurum
statum publicum Ecclesiæ vel Diœcesis
gerunt Innot. in c. 1. de mai. & obed. c. quan-
to de his quæ sunt à Pral. Vallensis l. 3. tt. 10.
Moscon. l. 1. par. 1. c. 15. Zerola par. 1. V. Episco-
pus n. 10.

V. Multo minus Capitulo licet in cau-
sis gravioribus statuere aliquid absque
Episcopi voluntate & consensu c. Cum
consuetudinis. c. Cum omnes de constit. dico
In gravioribus ut excipias ea quæ minoris
momenti sunt, & solius Capituli statum
concernunt. Card. Tuschus concl. 54. Quod
si Episcopus officio suo male fungi vi-
deretur, inscio ipso convenire Capitula-
ribus licet, & quæ in rem sunt constitue-
re. Quemadmodum in aliis sape, & ma-
jorum nostrorum ævo in duobus Archi-
episcopis Hermanno & Gebhardo Tro-
chessio factum constat, surius anno 1545.
Gordonus in chronol. Anno 1583. Chapeauillier
de Gest Leodiensi. Episcoporum tomo 3 pag.

350 & 523 Zerola Prima parte V. Capitulum num. 15.

VI. Jure communi nulla Capitulo jurisdictio permittitur in Clericos & Ecclesie ministros: sed pluribus in locis per consuetudinem habent. Episcopus enim ordinarius Judge est totius diocesis. Abb. in c. conquerente n. 2. §. 7. de fo. comp. & in c. Pastoralis n. 6. 7. eod. Neque potest mutare constitutiones, & consuetudines approbatas Ecclesie, aut novas introduce re. Abb. Zabar. Bell. in Vivianus in Rationali alagona in compendio Barb. in c. cum consuetudinis de consueud. & l. 1. de Iur. Eccl. c. 32. Layman. l. 1. tract. 4. c. 7. n. 11. Silv. V. Capitulum n. 4. Armilla eod. n. 2.

VII. Episcopo mortuo succedit Capitulum in omni jurisdictione, quæ ordinario jure Episcopo competebat tam in spiritualibus, quam temporalibus. c. His quæ c. cum olim de major. & ob. Navar. consil. 43. n. 1. de temp. ord. Molina tr. s. disp. II. Rota decis. 1. n. 13 p. 2. divers. & decis. 346. Azor. II. l. 3. c. 37. Em. Sa. V. Capitulum. Bar. in c. cum olim de mar. & ob. Item c. Illa 2. Ne sede vacante ubi 22. casus enumerat, in quibus succeditur. Dixi succedere in jurisdictione, quæ ordinario jure competebat. Non succedit enim in iis, quæ Episcopus per privilegia habebat: neque in potestate delegata c. ult. de pœn. & rem. c. Quod non nullus de privil. c. fin. eod in 6. Felinus in c. Eam te. Zbroz de Vicar. l. 1. q. 16. Piascius in Proem. pag. 16. Et generaliter DD. censem ea ad Capitulum non transire, quæ Sede vacante expediri non possunt. In particulari numerantur etiam sequentes casus, in quibus non succeditur. 1. In Visitacione Monasteriorum exemptorum Monialium. 2. in suppressione præben-

darum, aut portionum, vigore Cont. Trid. Seff. 24. c. 15. 3. in confirmatione donationum Jurispatronatus. 4. in dimissoriis litteris ab ordinis concedendis intra annum à die vacationis, nisi illis, qui arctati sunt, quales censentur, qui habent jus, vel vocati sunt ad beneficium aliquod vacans, quod requirit actu certum ordinem, vel qui presentatur ad beneficium Ecclesiasticum non habens primam tonsuram. Denique non succedit in collatione beneficiorum, quæ patronata non sunt. c. 2. ne sede vacante & c. 1. de institutio nib. in 6. Anto. Cucchus l. 1. Inst. c. 12. Canis. tr. 16. Barb. in c. Illa 2. de his quæ fiunt à Prælatis, & Azor. II. l. 3. c. 38. Silvest. V. Capitulum n. 3. & seq. Zerol. eod. n. 5. 6. & 7. Tuscb. concl. 55.

VIII. De Jurisdictione voluntariâ ambigitur. In Capitulum derivatum cum Jurisdictione necessariâ ex recentioribus affirmat. Barb. pag. 252. citans Aloysium Riccium in praxi aureâ resol. 130. Mosconio pag. 294. Magis placet vices gerere in multis spiritualibus & temporalibus, sed non succedere in Jurisdictione voluntariâ. In utramque partem rationes cumulantur ab Azorio II. l. 3. c. 37. qui tamen affirmativam præfert. Cum enim Ius dicat simpliciter Capitulum Episcopo succedere, non debet restringi ad necessariam. Unde sequitur 1. concedere posse indulgentias, videlicet unius anni in Dedicatione Ecclesie, & 40. dierum in anniversario Dedicationis. 2. dispensare in omnibus, in quibus Episcopus si viveret, dispensaret. 3. constituere Confessarium, qui absolvat à reservatis. Avila par. 7. disp. 10. dub. 6. Silv. & Zerola loco citato Laym. l. 1. tract. 4. c. 7. n. 12.

IX. Quod ad potestatem Ordinis spe-
ctat,

PARS I. TIT. V. DE CAPITULO.

93

Et illa similiter ad Capitulum devolvitur per mortem Episcopi, quam potestarem non quidem per se, sed alios exercat *Glo. in c. de his que & c. si Episcopus de supplen. negl. Prælator. in 6.* Nam ejusmodi potestas requirit Episcopum consecratum committere igitur, quæ Ordinis sunt, alicui Episcopo poterit. *Henrig. l. 10. c. 22. Piascius par. I. n. 15. Armilla V. Capitulum n. 9.*

X. Jure novo Concilii Trident. *Seff. 24. c. 16.* constitutum est, ut Capitulum sede vacante infra octo dies post mortem Episcopi Vicarium Generalem eligat, vel existentem confirmeret. Si neglexerit, ad Metropolitanum deputatio ejusmodi devolvitur. Si Ecclesia ipsa Metropolitana fuerit, vel exempta antiquior Episcopus ex Suffraganeis in Metropolitanâ & propinquior Episcopus ex exemptâ Oeconomum & Vicarium idoneum nominare possunt. Ab his Episcopis postea electus rationem officii & administrationis exiget, ut *Concill. l. cit. declarat.* Addit *Azorius II. l. 3. c. 37. q. 18.* plures Vicarios etiam principales creare posse, præterea ad nutum revocare constitutos. Quod si aliquem creaverit cum juramento nunquam revocatum iri, nihilominus ratam fore revocationem. *c. cum vos de off ord. quo in loco tamen non de Vicario Generali, sed Oecono mo præcipitur, qui curam habeat bonorum, & redditum sede vacante, quemadmodum parb. notar.*

XL. Postremò queri potest, an Capi-

tulum sede vacante possit alicui honorificum Magisterii, vel Doctoratus gradum conferre, quemadmodum Episcopus potest? censeo distinguendum. Vel enim ejusmodi potestas spectat ad solum Episcopum, vel simul ad Episcopum, & Capitulum. Si posterior hoc manet haud dubie in Capitulo. Si vero primum, aut Jure communī habet illam potestatem, aut speciali. Si jure communī derivatur in Capitulum, si speciali non derivatur: sicuti nec cognitio de feudalibus causis secundum communem regulam, devolvitur ad Capitulum, quia Episcopo jure speciali, vel privilegio competit *Gloss. in Clem. ult. de Magistris Abb. & Felinus in c. cum olim de maior. Payn par. I. q. 6. Rebuff. in praxi tt. de devolut. n. 69. Azor. II. l. 3. c. 39. q. 5. Barbosa in c. inter sollicitudines clem. de Magistris Alexand. consil. no. lib 6. Silv. V. Capitulum cir fin. allegans Panormit. cum distinctione, quam indicavimus supra. Idem de aliis iuribus dicendum, puta, legitimandi, restituendi in gradum pristinum, nobilitandi, ac similibus: quæ si ex privilegio obtinet, secum auferet tumulanda: sin minus, in Capitulum transfrentur, ut alia ejusdem generis omnia.*

Alexand. loc. cit. Card. Tuschus in V..

Doctorandi facultas

Concl. 551..

* * *

TIT. VI.